

鼓棹二集

船山遺書六十一

衡陽王夫之撰

十六字令

元夕見月

雪面女耐冷卸羅衣
盈盈出爭賽粉香肥

搗練子

咏寒

剛有緒又無端
細雨千絲月半彎
一寸眉稜千障壓
不教人放片時閒

又
咏霜

空無際月無痕
悄悄盈盈上草根
蜻蛚逼窗燈影綠
愁人不道不消魂

如夢令

春後寒 雪不已

粟起鏡中珠 飽光射窗中花 擾涌遣一衰翁 鬪項縮來欲
槁休惱休惱昨夜春山先老

又

小遊仙

一色花飛鶯報五色 烟輕雲罩夢裏屢驂鸞 只是今生未
到誰道誰道只有人閒春好

又

前題

天酒玉童斟送秋水 小鬟低誦今日與他生 一逕瓊壺花
動非夢非夢波動月原不動

長相思

春恨

鶯亂飛花亂飛總愛春光去不違誰知春事非
風滿扉
雨滿扉坐待元禽言不歸孤雲送翠微

又前題

待尋芳嫩尋芳褪粉梨花背夕陽清夢未斷霜
游絲長
柳絲長欲縮春光春又忙辛夷早綻香

又落日

海天寬暮烟殘纔得團樂對面看還沈山外山
人倚闌
鳥飛還回首東風一碧寒嬋娟欲上難

醉太平
冬夜

霜楓墜丹風窗送寒心知明月光殘轉牆西小灣
巍巍

豹關迢迢玉山夢回還在人閒聽雞聲夜闌

生查子 春感

梨花一片飛飛落春衫袖莫漫愛餘香春去君知否青
郊驄馬兒浪醉旗亭酒不是不催歸寶鞭在君手

又 秋感

藕花豔銀塘玉露凋零素蕩不知愁波影弄金粉飛
飛飛不去日暮西風緊爲惜白蘋香怕受微霜損

點絳脣 飛花

不是人閒定然無個藏春處和風和雨抵死驚飛去暖
日晴風猶自難畱住天涯路金勒駒驕踏作紅塵土

浣溪沙

秋感

風翻芙蓉墜晚香衝波難認舊鴛鴦秋宵漸永儘思量
幾度相逢唯夢裏疑非疑是不端詳鷺鷥空帶滿頭霜

又冬景

欵凍額黃暈淺檀金罨頰醉半腮丹妬他臨老更芳顏
落葉泠泠清影瘦敗荷翦翦綠雲乾爭教不怯曉來寒

又冬景

縹緲雲絲展碧空孤峰峰影影孤松天南天北鳥來風
極目江山無止竟傷心日月太從容霜楓依舊半林紅

又病起春日小步

水淺平田碧幾叢出胎初葉
翦嬌紅勻勻梳柳半溪風
小雪去年心外影如今還落
夕陽中春光不道不從容

不添字

昭君怨

友人劉懿
沒後鞠爲

蒼管爲
此奇數

人代

燕壘粉垣香墜蟹館蓼花紅
碎行人莫唱水東流水西流
柳外畫船簫鼓簾外梅龍
烟雨當年原倩遣閒愁惹閒
愁

攤破浣溪沙

病中與劉李二生夜話

會把榆錢買少年少年已是
柰何天爲憶楊花未落已啼
鴉
關盡閒愁都是夢不知
殘夢在誰邊贏得如今蠶老
已三眠

又 夏景

隱隱轉雷挂斷虹平田高下與溪通溪外罩魚人影落波
中 屐齒泥融雙印直葛衣風漾一襟鬆回看西峰峰外
半青紅

菩薩蠻

遣愁

伴生只伴閒愁住如今卻待驅愁去歸鳥沒遙天雲橫斜
照邊 乾坤看一笑愁到何時了拋擲與征鴻霜宵唳曉
空

訴衷情

春景

東風亭午擺垂楊絲絲日日長吹落梅花無數不解惜幽

香

落霞紫暮烟黃送

斜陽無憑天氣

一霎融和蜂蝶空

忙

醜奴兒令

和李後

主秋怨

當年誰送江南怨雲樹

悲秋解鱸含愁月影消沈玉一鉤

無數蜻蜓飛晚照紅

琴梢頭欸欸嬉遊水冷蘋花帶影

流

憶秦娥

夢花

秋江渺秋心獨展幽芳

幽芳悄護臂紗輕注脣丹小

蘆花風亂汀洲遠采芳

人遠知音少知音少幾葉漁船一

輪殘照

又病中寒臥

寒無那凍雲乍裂晴難果
紙窗低覩眉深鎖
年華容易催人過
寒威荏苒留人臥
留人臥乍夢春生雞
聲啼破

又前題

酸風惡寒梅不管丹楓落
丹楓落當年也似梅含朱萼
侵窗雲暗晴珠奪
壓肌衣重腰弓弱
腰弓弱曾聞衰老而
今病覺

謁金門

小除夕

年華驟閃閃孤燈依舊半盞春
前村醞酒病裏還消受

一劍天風孤吼千里暮雲鋪就不惜鏡中人易朽只笑恆

河陂

減字木蘭花

憶舊

春溪水滿月嚮桃花香處暖幾葉芭蕉綠影斜侵嫩草苗
碧烟日罩遙聽江城歌管闌小步閒吟一逕苔陰萬里

心

又前題

江湖短劍醉臥不知誰野店笑傲刀兵月落猿啼客夢驚
寒更歷盡孤鴈孤飛棲不穩爲問青天錦瑟誰人續斷

絃

清平樂

咏雨

歸禽嚮暝，隔斷南枝。逕不管垂楊，珠淚迸滴。碎荷聲，千頃
隨波，驟殺魚兒。浮蘋乍滿清池。誰信碧雲深處，夕陽仍
在天涯。

又

問劉存齋索香橙

秋光已盡，月也幽香褪。只有霜膏團紫暈。仙霧蘭漿深醞。
小窗讀易初晴。藥鑪風軟烟輕。莫遣先生午睡。憑教鼻
觀，醒惺。

阮郎歸 本意

桃花流水紫雲深。瑤京路易尋。人闕何事苦關心。匆匆下

碧岑 才燕語又鶯吟飛霜兩鬢侵玉壺鴛語信空沈藤
蘿鎖翠陰

又前題

當年只解愛桃開尋芳得得來仙娥容易許仙才霞裳浪
與裁 愁弄月怕驅雷絲來非聖胎巫山別有楚陽臺行
雲夢不同

西江月 春日野興

草綠黃蜂歸晚溪平白鳥飛低小池春藕半沈泥漸近梅
酸天氣 昨日社逢雨止今年閑放春遲寒深茸母短芽
稀未與山廚做美

又重遇續夢菴

殘夢當年欲續草菴一枕偷閒舞端幻出苦邯鄲禁殺騎
驢腐漢幾度刀兵骨血十年孤寡辛酸潭龍勦睡太癡
頑欲續衰年已嬾

鷓鴣天

白蓮

斂束檀心吐半絲遲回妝靚暗香吹綠窗獨倚珠千淚團
扇斜窺玉一規清露淺碧烟微開心自照鏡光知鹿門
漫作無情句月冷風清欲墜時

玉樓春

前題

娟娟片月涵秋影低照銀塘光不定綠雲冉冉粉初勻玉

露泠泠香自省
荻花風起秋波冷
獨擁檀心窺曉鏡
他時欲與問歸魂
水碧天空清夜永

一 弱梅 春晚

妬花風雨在花前
開也堪憐落復何言
愁魂斜蹙淚珠懸
弱蒂難堅紅影難圓
何事迷香雙蛺蝶
浪向東園魂夢相牽
誰知不是養花天
試聽啼鶯春在誰邊

蝶戀花 哀柳

爲問西風因底怨
百轉千回苦要情絲斷
葉葉飄零都不管
回塘早似天涯遠
陣陣寒鴉飛影亂
趁斜陽誰肯還
畱戀夢裏鶯黃拖錦線
春光難借寒蟬喚

粉蝶兒

咏霜

問天涯有幾多寒情冷緒怕春來游絲飛絮更因風黏住
了江天紅樹弄輕盈勾引教飛去 悄不知小橋西荒雞
催曙月斜時揉碎一天珠露苦恁將酸風勒住儘淒涼拚
與寒鴉低訴

醉春風

咏蝶

紅影紛無數偷眼斜回覩闌干十二繡簾垂住住亂蘂
繁花熏人無奈非儂畱處 綠影輕風度芳草天涯路翩
翩清夢自逍遙去去去縱使飄零依然不似輕狂柳絮

風中柳

水桂

不惜輕盈取次濃妝珠藥似憑闌綠雲倦倚低鬟微笑歎
蘭襟香細斂幽情閒心如水道是江妃還似月中仙子
向秋清露凝芳髓冷然孤秀怕微霜風起索細挽柔條重
覩

青玉案

秋海棠

雕闌玉露凝珠屑長只恐芳魂折日暮碧烟相護切翠鬟
低暎胭脂淡染了不愁孤怯含情靜解丁香結淺笑偷
窺清夜月自惜斷腸誰與說金風蜨困歸雲燕去唯有寒
蟬咽

行香子

遊珍珠巖